

# კთხარაი საფოსტო

ფასი 1 ლარი

№24

5 - 12 ნოემბერი

2018 წელი

ბამოლის სამშაბათობი

**ფოთის  
საკრებულოს  
სხდომა  
ხმაურით  
დასრულდა**

33. 3

**შეჩერებული  
პროექტების  
ბანსორცხილება  
გრძელდება**

33. 3


**პირველი  
ორთქმავალი  
ფოთში  
დაბრუნდება?!**

33. 4

**თვეობით  
გაჭიანურებული  
„ეს ღლეები“**

33. 4

**შენ ჯერ ებ არ  
ბინახავს**



**ამ გვიგონი რვა  
www.msnews.ge**

**ირაკლი კაკულია: „გაქლევით  
პირობას, ფოთი ევროპული ტიპის  
ქალაქი გახდება,,**



თაკლა მაგაია  
ფოთი

2018 წლის 28 თებერვლს საქართველოში ჩატარებული საპრეზიდენტო არჩევნების პირველ ტურში გამარჯვებული კანდიდატი ვერ გამოვლინდა. შესაბამისად, მეორე ტური დაინიშნა, რომელიც 2 დეკემბერს ჩატარდება. ერთმანეთს დამოუკიდებელი კანდიდატი, ამავდროულად მმართველი გუნდის მიერ მხარდაჭერილი სალომე ზურაბიშვილი და გაერთიანებული ოპოზიციის კანდიდატი გრიგოლ ვაშაძე დაუპირისპირდებიან.

მას შემდეგ რაც დამთავრდა საპრეზიდენტო არჩევნები და ცნობილი გახდა შედეგები, საზოგადოების გარკვეული ნაწილისთვის ამოუხსნელი დარჩა ფოთის მოსახლეობის მიერ გაკეთებული არჩევანი.

თუ რატომ დამარცხდა საპრეზიდენტო არჩევნებში ქართული ოცნების მხარდაჭერი კანდიდატი, ამ კითხვით მიემართეთ ქართული ოცნების ფოთის საქალაქო ორგანიზაციის ხელმძღვანელს და ამავდროულად მე-9 მოწვევის საკრებულოს თავმჯდომარეს ირაკლი კაკულიას. ჩვენს დასმულ კითხვაზე - რატომ დამარცხდა „ქართული ოცნება“, ფოთში რა იყო

წაგების მიზეზი და რატომ მოიგო გაერთიანებული ოპოზიციის კანდიდატი. სანამ პასუხს შემოვთავაზებდეთ, მანამ თვალი გადავაგლოთ კვირის განმავლობაში გაკეთებულ შეფასებებს ქართული ოცნების ცენტრალური ხელისუფლების ეშვლონებიდან. როგორც მმართველი პარტიის წარმომადგენლები ამბობენ, რომ საპრეზიდენტო არჩევნებმა დემოკრატიის ის სტანდარტი აჩვენა საზოგადოებას, რაც 2012 წლიდან დღემდე „ქართული ოცნების“ მონაპოვარია. „ეს გზავნილი ყურადსადებია, ჩვენი მხრიდან მიღებული და გააზრებულია. მეორე ტურში უზრუნველყოფთ ერთსულოვნებას, მათ შორის ჩვენი იმ მხარდაჭერებისას, რომლებმაც სხვადასხვა მიზეზის გამო არ მიიღეს მონაწილეობა არჩევნებში. მეორე ტურში ჩვენ ყველა ერთად აღვნიშნავთ იმ ღირებულებებისა და ფასეულობების გამარჯვებას, რისთვისაც ჩვენ ყველა ერთად ვიბრძვით“- განაცხადა პრემიერ-მინისტრმა.

სამთავრობო ნარატივს იზიარებს კაკულია, თუმცა ფოთში საპრეზიდენტო არჩევნებში „ქართული ოცნების“ დამარცხების მიზეზზე საუბრისგან თავს იკავებს, და ხაზს უსვამს მხოლოდ არჩევნების დემოკრა-

დასასრული 4-33.

**სიყვარულით განვლილი  
ნახევარი  
საუკუნე**

33. 6

**კვადრობითა პროფკავშირება  
საბავშვო ბაღების  
შეჩერებულს პიბიანაში  
ტრენინგი ჩაუტარა**

33. 2

**მუნიციპალიტეტების  
დაფინანსების ახალი  
სისტემა ქალაქი  
შევიდა**

33. 5

**ია როგავა: „მოდით ახლა  
ამ ყველაფერს  
პოზიტიურად შეხედოთ,,**

33. 6

ბამოცემი და ღირსეული, მთავარი რედაქტორი  
0582 835301 - 599 341 417;  
0682 835301 რედაქტორი  
0333 333010 - 597 97 76 18

კორექტორი:  
მანა ჩხეიძე  
551 522 429-  
კომპიუტერული:

მარიამ ჯაფარიძე - 579 24 11 22

თელავი მატაძე (ფოტო) 568 74 41 12

0333 333010 (ხოლო) 597 97 76 18

ბამოცემი მასალის მონაწილე არ მთავრობის რედაქციის მფლობელია. სტატიის ავტორები თავად აბეჯენ პასუხს იმისთვის, რომ სტატიაში არის მასალის მონაწილეობა. მასალის მონაწილეობის შესახებ არ არის მითითება.

ბამოცემი მასალის რედაქციის ნებართვის გარეშე აკრედიტებულია.

# ირაკლი კაკულია: „გაქვით პირობას, ფოთი ევროპული ტიპის ქალაქი გახდება“

## დასაწყისი პირველ გვერდზე

ტიულად ჩატარებას. „პირველ რიგში მინდა მადლობა გადავუხადო ჩვენს ამომრჩეველებს და მოვუწოდო - მეორე ტური ჯერ კიდევ წინ არის. მაქსიმალურად უნდა მოხდეს პარტიის და საზოგადოების იმ ნაწილის მობილიზება, რომელსაც არ უნდა ნაციონალური მოძრაობის ჩადებები. ვისაც არ უნდა დაბრუნდეს პირადი ცხოვრების ამსახველი კადრები და 40 ათასი პარტიანი საქართველოში. როგორც შტაბის ხელმძღვანელს, მაქვს ინფორმაცია იმ მიზეზებზე, რატომ ვერ გაიმარჯვა პირველ ტურშივე ქართული ოცნების მხარდაჭერის კანდიდატმა. ამჟამად მათზე საუბრისგან თავს შევიკავებ. უბრალოდ, კიდევ ერთხელ ვეტყვი და მოვუწოდებ ამომრჩეველებს, ბნელ ძაღს არ დაუჭირონ მხარი და მეორე ტურში ღირსეულად გაიმარჯვონ ფოთში. საზოგადოების არამთლიანმა ნაწილმა გაბრაზების გამო ნაციონალური მოძრაობის კანდიდატ გრიგოლ ვაშაძეს მისცა ხმა. ყველამ იცის, რომ ქვეყნის პერსპექტივა პირველ რიგში მშვიდობის დამყარებაში, ჩვენს ევროპულ და ამერიკულ პარტნიორებთან ერთად ქვეყნის ნელ-ნელა მშენებლობაშია და არა ძალადობაში. ვინც იქნება ძალადობის მხარეს და ვინ მშვიდობის მხარეს, ეს დაფიქსირდება მეორე ტურში. დიდი იმედი მაქვს, რომ ჩვენი ქალაქი მხარს დაუჭერს მშვიდობას და საქართველოს მომავალს. პირდაპირ გეტყვი, ჩვენ ნავატარებ დემოკრატიული არჩევნები და ამ არჩევნებში ვაშაძეს ვეღვა გვერდით მეორე ვაშაძე. არსებობს ეჭვები, რომელზეც მიმდინარეობს მოკვლევა ჩვენი მხრიდან და ამაზე არ მინდა საუბარი ჯერჯერობით. ერთს ვიტყვი, ფოთელები უნდა დაერჩიონ ერთმანეთს პირისპირ და დანარჩენზე შემდგომ ვისაუბროთ“-საუბრობს კაკულია. საზოგადოების უმეტესი ნაწილი, თვლის, რომ ქართულმა ოცნებამ წინასწარჩვენო კამპანია არ აწარმოა და მხოლოდ ნაციონალური მოძრაობის 9 წლიან მმართველობა-

ზე და მათ შეცდომებზე საუბრის პათოსი შეინარჩუნა. მოგვიანებით ხელისუფლების წარმომადგენლებმაც აღიარეს ეს და შეცდომად ჩათვალეს რომ არ გამოიყენეს რესურსი, იმ ადამიანების რომლებიც ქართული ოცნების ჩამოყალიბების დღიდან ედგა ოცნებას გვერდით, “ორიათასთორმეტიანების” სახელით რომ იყვნენ ცნობილი. ბოლო დროს მთავრობის წარმომადგენლების მხრიდანაც ხშირად ისმის განცხადებები და აღიარებები პირის სინაკლებესთან დაკავშირებით, რომ რეალურად 6 წლის განმავლობაში უამრავი საქმე გააკეთდა, მაგრამ ეს არ ჩანს, მოსახლეობა ვერ ხედავს გაკეთებულ საქმეებს. მათი პირი მხოლოდ შემოიფარგლება მხოლოდ მუნიციპალიტეტების მიერ შექმნილ ფეისბუქ გვერდებზე, რომელსაც ძირითადად მხოლოდ საზოგადოების ის ნაწილი ხედავს და აზიარებს, რომლებიც მომხრეები არიან მმართველი პარტიის. “ჩვენს ქალაქში ექვსი წლის განმავლობაში ძალიან ბევრი რამ გაკეთდა, თითოეულმა მერმა, ვინც ქართული ოცნების მხრიდან იყო, შექმნეს და დატოვეს თავიანთი გაკეთებული საქმეები და ახლაც გრძელდება. “ნაციონალურ მოძრაობას” 9 წლის განმავლობაში რომ გაგვეთვინა ქალაქისთვის რამე, ჩვენ ასე დროში არ გავგვევლებოდა ის, რისი გაკეთებაც გვინდა. არ არის დიდი დრო 6 წელი. ყველას კარგად ახსოვს ლემონჯავას დროს დანერგული ავტო ფარეხები, ჩვენ ვეცადეთ, ეტაპობრივად კეთილმოგვეწყო ეზოები, ბოდიში მინდა მოვუხადო მოსახლეობის იმ ნაწილს, რომლებსაც ვერ მოვუწესრიგეთ კორპუსის ეზო. ასევე მოხერხდა საცხოვრებელი კორპუსების სარდაფები, სადაც საშინელი მდგომარეობა იყო, მოვაწესრიგეთ ზღვასთან მისასვლელი გზა, სადაც წლების განმავლობაში არ არსებობდა სამანქანო გზა და დღეს უკვე სამ კილომეტრიანი ზღვის ზოლი გვაქვს და ვითარდება კიდევ. ფოთის შემოსასვლელში არ მუშაობდა პიდროკვანძი, რომელიც ნაციონალურმა მოძრაობამ დაგვიტოვა ამორტიზებულ მდგომარეობაში და დღეს ის

ავტომატიზირებულია და ფოთის დატბორვის საშიშროება მინიმუმამდეა დაყვანილი. ამას გარდა, კანალიზაციის პროექტში იყო ხარვეზები, მაგრამ ახლა ახალი კომპანია შემოვიდა, რომელიც ძალიან დიდი პროექტია ფოთისთვის. ჩვენს თანაქალაქელებს ვაძლევ პირობას, ევროპული ტიპის ქალაქი ექნებათ.“ როგორ აფასებს ფოთელი მოსახლეობა საპრეზიდენტო არჩევნებს და ელოდნენ თუ არა ამ შედეგებს: “ზაზა გვახალაია - „არჩევნების პირველ ტურში გრიგოლ ვაშაძემ კარგი და ჭკვიანი კამპანია ჩაატარა, ხოლო სალომე ზურაბიშვილს, რომელსაც ქართული ოცნება უჭერს მხარს, ჩემი აზრით რეალურად არანაირი კამპანია არ ჰქონია. გაერთიანებული ოპოზიციის კანდიდატის გრიგოლ ვაშაძის ყურადღება მიმართული იყო ნაციონალური მოძრაობის მიერ მმართველი პარტიის კრიტიკაზე, ხოლო ზურაბიშვილმა ცოტა რამ გააკეთა იმისათვის, რომ ან ქართული ოცნების მიღწევებისკენ მიეყვინო ყურადღება, ან გაემყარებინა ის არგუმენტი, რომ ვაშაძის უკან რეალურად ექს-პრეზიდენტი სააკაშვილი დგას.“ სალომე აღანიძე - „ვფიქრობ, შედეგები მოულოდნელი არ ყოფილა, ფაქტია, რომ ქართული ოცნება დღეს არ არის იმ ეტაპზე, მხოლოდ იმას დაყრდნობოდა, რომ ნაციონალური მოძრაობა არ მოსწონდა მოსახლეობას. ვფიქრობ, მათ ეს არ გაითვალისწინეს და ვერ შეაფასეს რეალობა. ამიტომაც მოხდა ის, რაც მოხდა.“ ზვიადი კვერცხიანი - „მე ერთი ჩვეულებრივი მოქალაქე ვარ და მეორე ტურის პროგნოზებზე ვერ ვისაუბრებ. ფაქტია, რომ “ქართულმა ოცნებამ” წააგო ფოთში და საქართველოს უდიდეს ნაწილში. ქართველი ხალხი არაა პრინციპული, საერთოდ არ უნდა შემოეხაზა არც ქართული ოცნება და არც ნაციონალური მოძრაობა, სხვა ოპოზიციური კანდიდატისთვის უნდა მიეცათ ხმა და მაშინ დაინახავდნენ პოლიტიკური პარტიები, რომ ქართველი ხალხი სათამაშო სულაც არ არის“.

## ფოთის მერიამ თოფურია თოფურიამ ჩაანაცვლა

ფოთის ვიცე მერად კოტე თოფურია ოფიციალურად წარადგინეს. კოტე თოფურია განათლებით ეკონომისტი. თოფურია აღნიშნულ თანამდებობაზე კერძო ბიზნესიდან მოვიდა. ის 2014 წლიდან დღემდე შპს „ნაზრევის“ დირექტორი გახლდათ. თოფურიას საჯარო სამსახურში რამდენიმეწლიანი მუშაობის გამოცდილება აქვს. იგი 1994-2000 წლებში საქართველოს ახალგაზრობის საქმეთა დეპარტამენტის ფოთის საქალაქო განყოფილებას ხელმძღვანელობდა. თოფურიას აღნიშნულ პერიოდში საქმიანობა ადგილობრივი ხელისუფლების წარმომადგენლებმა დადებითად შეაფასეს. „მინდა მადლობა გადავუხადო ქალაქის ხელმძღვანელობას გამოცხადებული ნდობისათვის. დარწმუნებული

ვარ ჩვენ მოკლე დროში შევძლებთ არსებული პრობლემების საფუძვლიანად შესწავლას და მათ გადაწყვეტის გზების დაგეგმვას. ეს როდელი და საპასუხისმგებლო სამუშაოა. დარწმუნებული ვარ ჩვენი გუნდი ამას შეძლებს და ყველაფერს გააკეთებს, მოსახლეობამ დაინახოს, რომ ქალაქში დაიწყო ცვლილებები“- განაცხადა თურნალისტებთან კოტე თოფურია. ვიცე მერის ადგილი ვაკანტური მას შემდეგ გახდა, რაც მერის მოადგილე ირაკლი თოფურიამ პირადი განცხადების საფუძველზე თანამდებობა დატოვა. თოფურიას წასვლას თვითმართველობაში საკადრო ცვლილებები მოჰყვა. ვიცე მერობიდან მამუკა პაპასკირმა მერის მოადგილის თანამდებობაზე გადაინაცვლა.

## სოციალურად დაუცველი 16 წლამდე ბავშვების დახმარების დახმარება ხუთჯერ გაიზარდა

სოციალურად დაუცველი 16 წლამდე ბავშვების დახმარება ხუთჯერ გაიზარდა და ბავშვები ოჯახები ამჟამად არსებული 10-ლარიანი დახმარების ნაცვლად მიიღებენ 50-ლარიან დახმარებას. ამის შესახებ საქართველოს პრემიერ-მინისტრმა მამუკა ბახტაძემ მთავრობის სხდომის წინ გამართულ ბრიფინგზე განაცხადა.

პრემიერ-მინისტრის თქმით, აღნიშნული ინიციატივა 140 000-მდე ბავშვს შეეხება. „ჩვენ ამის შესახებ საუბარი გვექონდა გაზაფხულზეც, როდესაც 10-ის კვლევა გამოქვეყნდა და იმ კონკრეტული რეკომენდაციების შესახებ, რომელიც ასახული იყო ამ კვლევაში. ჩვენი პოლიტიკური გუნდის მთავარი პრიორიტეტი მუდამ იყო და არის ადამიანი, როგორც მთავარი ფასეულობა“- განაცხადა მამუკა ბახტაძემ.

## პედაგოგთა პროფკავშირმა საბავშვო ბაღების მზარეულებს პიბინაში ტრენინგი ჩაუტარა

საქართველოს პედაგოგთა და მეცნიერთა თავისუფალი პროფკავშირების ფოთის საქალაქო ორგანიზაციის ორგანიზებით ფოთის საბავშვო ბაღების გამგეებს, ექთნებს, მწეებს, მზარეულებსა და მის თანაშემწეებს პიბინურ სწავლება ჩაუტარდა. ტრენინგის 55 მონაწილეს გ. ნათაძის სახელობის სანიტარიის, პიბინის და სამედიცინო ეკოლოგიის სამეცნიერო-კვლევითი ინსტიტუტის ტრენერებმა ჯანდაცვის მსოფლიო ორგანიზაციის მიერ მოწოდებული მოდულები - “ხუთი გასაღების პრინციპი უნებელი სურსათისთვის” გააცნეს. ტრენინგმა ტრენინგში მონაწილეებს პრაქტიკული რჩევებიც მისცეს. ტრენინგის შემდეგ სწავლების მონაწილეებს შესაბამისი სერთიფიკატები გადაეცემათ.



# ფოთის საკრებულოს სხდომა ხმაურით დასრულდა

## ივანე პაპორია ფოთი

ფოთის საკრებულოს მე-20 სხდომა ხმაურით დასრულდა. „ნაციონალური მოძრაობის“ წევრმა დარეჯან ცხვიტარიამ ხელისუფლება ამომრჩევლებზე განხორციელებულ ზეწოლაში დაადანაშაულა. ცხვიტარიას მტკიცებით, საკრებულოს წევრები მოსახლეობას აშინებენ და მათ სამსახურებიდან გათავისუფლებით ემუქრებიან. ბრალდების დასადასტურებლად ოპოზიციამ ფოტო მასალაც კი წარმოადგინა: „მოქალაქეებს აშინებენ სამსახურიდან გაგდებით, თუ არ მისცემენ ხმას „ქართული ოცნების“ მხარდაჭერის კანდიდატს. ხალხს თავისუფალი არჩევანის გაკეთების საშუალება უნდა მიეცეს“ —

განუცხადა ჟურნალისტებს ცხვიტარიამ. საკრებულოს წევრებმა ცხვიტარიას ფაქტის დამტკიცება მოთხოვეს და მინაც ფოტო წარუდგინა საკრებულოს, სადაც საკრებულოს წევრი აპოლონ ბუაღავე აგიტაციის დროსაა გადაღებული, საკრებულოს წევრებისათვის არც ეს აღმოჩნდა საკმარისი. „აგიტაციის უფლება ყველას აქვს“ — იყო მათი მოკლე კომენტარი, რის შემდეგ დარბაზი დატოვეს. წარდგენილ ბრალდებაზე ბუაღავემ განაცხადა, რომ ის არ იყო არჩევნების პირველ ტურში ჩართული: „ამომრჩევლებს რა თქმა უნდა, ვეტყვი, რომ „ქართული ოცნებას“ მისცენ ხმა, აბა ნაციონალებს დაუჭირეთ მხარი-თქო, ხომ არ ვეტყვი? მე განახებთ აწი თქვენ აგიტაციას“ — „დაემუქრა“ — „ნაციონალურ მოძრაობას“ ბუაღავე.

საკრებულოს თავმჯდომარისათვის ცხვიტარიას მიერ წარმოდგენილი „მტკიცებულება“ საკმარისი არგუმენტი არ აღმოჩნდა და ხუმრობის გუნებაზეც კი დადგა: „ქალბატონი დარეჯანი გაბრაზებულია იმ ხალხზე, ვინც მას დაუჭირა მხარი და მეონი იმიტომ ყვირის. სწორედ იმ ძალას უნდა მოსვლა, რა თქმა უნდა, თუ მოუშვა ხალხმა, რომელმაც უსაფუძვლო ბრალდებებით 40 ათასი ადამიანი ჩასვა ციხეში. საკრებულოს წევრს სრული უფლება ჰქონდა, თავის უბანში გაეწია აგიტაცია. ახლა ესენი აშინებენ ხალხს, აი მოვა მიშა და თუ ხმას არ მისცემთ, დაგიჭერთ ისევო. პოლიტიკური შეცდომა დაუშვეს, როდესაც მიშა გაახსენეს ხალხს. დარწმუნებული ვარ, ჩვენნი ქალაქი სწორ არჩევანს გააკეთებს“ — აღნიშნა საკრებულოს თავმჯდომარემ.

ინცინდენტს ურთიერთბრალდებების გარეშეც არ ჩაუვლია. ბრალდების საგანი ნავსადგური გახლდათ. საკრებულოს თავმჯდომარემ ნაციონალებს ნავსადგურის გასხვისება შეახსენა: „სწორედ წინა ხელისუფლებამ გაახსვისა ფოთის ნავსადგური, იმიტომაც არაქვს პერსპექტივა ქალაქს, ფოთი გაანადგურეთ და როგორ უნდა ილაპარაკოთ?“. ამ ბრალდებას ცხვიტარია არ „დაუბნევია“:



„არ გრცხვენიათ ხალხსო, შავზე თეთრს რომ ამბობთ? ნუ აგრძელებთ ამას, მოგიწოდებთ, თორემ უარეს დღეში აღმოჩნდებით. თქვენს ქმედებასაც აქვს საზღვარი. ცრუ ინფორმაცია აქვს საზოგადოებას, პორტი გაიწვა არენდით 49 წლით და თქვენ მართლაც გაყიდეთ თავისუფალი ზონა ჩინელებზე. მთელი პრობლემა შენშია ირაკლი“ —

საკრებულოს სხდომისა და ხმაურიანი ინცინდენტის დამთავრების შემდეგ, ჟურნალისტებთან საუბრისას „ქართული ოცნებისა“ და „ნაციონალური პარტიის“ საქალაქო ორგანიზაციების თავმჯდომარეებმა თავიანთ ამომრჩევლებს მადლობა გადაუხადეს ნდობისათვის. თითოეულმა აღნიშნა, რომ ამომრჩევლებმა ნათელ მომავალს მისცა ხმა: „მოუხე-

დავად იმისა, რომ არჩევნები გაცვლებით მიდიოდა, ქართველმა ხალხმა მინც აჯობა ამ ცრუ ოლიგარქიულ, ფეოდალურ მმართველობას და ხმა მისცა მას, ვინც საქართველოს წაიყვანს წინ. მეორე ტურისთვის აგრძელებენ ბინძურ აგიტაციას, მიდიან ხალხთან და აშინებენ, თუ არ მისცემთ ხმას „ქართული ოცნებას“ სამსახურებიდან გაგათავისუფლებთო და ასევე ეუბნებიან სიბინძურებს“ — განაცხადა დარეჯან ცხვიტარიამ.

ირაკლი კაკულიამ პირველ რიგში მადლობა გადაუხადა ყველა იმ ადამიანს ვინც „ნათელ მომავალს“ მისცა ხმა: „ჩვენ გვაქვს მეორე ტური. ყველას მოუწოდებთ, ვინც საქართველოს მომავალს იმედით უყურებს და ვინც ნიკო ნიკოლაძის ქალაქში ცხოვრობს, გააკეთოს სწორი არჩევანი“.



# შეჩერებული პროექტების განხორციელება ბრძელდება

## ივანე პაპორია ფოთი

გასული წელი ფოთისათვის შეჩერებულ სამუშაოებთან ასოცირდება. პრობლემას წარმოადგენდა ასევე ჩატარებულ სამუშაოებზე საგარანტიო ვადები, რომელიც ან ძალიან მცირე იყო ან აღმოჩენილი ხარვეზის შემთხვევაში, სამუშაოს შემსრულებელი კომპანია ხარვეზის აღმოსაფხვრელ სამუშაოებს საერთოდ არ ასრულებდა. შესაბამისად, ქალაქს უხარისხო და ნახევრად დაუმთავრებელი პროექტები რჩებოდა.

ქალაქში დღეისათვის მიმდინარე სამუშაოებს 3-დან 6 წლამდე საგარანტიო ვადა გააჩნია. როგორც ინფრასტრუქტურისა და მშენებლობის სამსახურის უფროსის თანაშემწე პაატა მურვანიძემ ჩვენთან საუბრისას აღნიშნა: „გამოცდილებიდან გამომდინარე, მაქსიმალურად ვცდილობთ, საგარანტიო ვადები გავზარდოთ, ხარვეზის აღმოჩენის შემთხვევაში, კონტრაქტორი კომპანია ასწორებს ხარვეზს. მაგალითისათვის შემიძლია მოვიყვანო მაღალსართულიანი სახლების გადახურვისას მომხდარი ფაქტი. სამუშაოს დამთავრების შემდეგ მობინადრეებმა აღმოაჩინეს ხარვეზი, რაც კომპანიამ გამოასწორა მისივე ხარჯით“.

ფოთში, რამდენიმეწლიანი ლოდინის შემდეგ, მიმდინარე

წლის ბოლოსათვის დამთავრდება სტადიონის მშენებლობა და, სავარაუდოდ, გასაფხულზე ფოთის „კოლხეთი“ შეძლებს საკუთარ სტადიონზე თამაშს.

განახლდა წყალდარბეზის ქსელის რეაბილიტაციაც. პროექტი წელიწადზე მეტია შეჩერებული და რამდენიმე კონტრაქტორი კომპანიაც გამოიცვალა. თავდაპირველად „საუკუნის პროექტის“ სამუშაოების შეჩერების რეალური მიზეზი ტენდერში გამარჯვებული ფირმის „ახერ აგრარტიკინტი“-მ უხარისხო ნამუშევარი გახდა. კერძოდ რკინა ბეტონის მილები ნაცვლად პლასტმასის მილები ჩაიყრა. უხარისხო სამუშაო 37 კილომეტრზე განხორციელდა. შემდეგ მოლაპარაკება მიმდინარეობდა რამდენიმე ევროპულ კომპანიასთან. პროექტის თავდაპირველი ღირებულება 37 მილიონ 400 ათას აშშ დოლარს შეადგენდა. დღეისათვის სამუშაოებს კომპანია „თაჰალ როუპ V“ აწარმოებს. ამ ეტაპზე სუბკონტრაქტორ კომპანიასთან ერთად, მოსამზადებელი სამუშაოები ხორციელდება, რაც არსებული მიწების გამტარიანობის შემოწმებას, გაწმენდასა და დაზიანებული უბნების აღდგენას გულისხმობს. პარალელურად, კომპანია ახალი მიწების მონტაჟის სამუშაოებს იწყებს.

ამჟამად სამუშაოები ცენ-



ტრის უბანში მიმდინარეობს. კომპანია მალე დარჩენილ 32 ქუჩასაც მოიცავს. პროექტის ფარგლებში, ფოთში მოეწეება თანამედროვე სტანდარტების შესაბამისი წყალდარბეზის ქსელი და სატუბო სადგურები. სამუშაოების ღირებულება

დღეისათვის 89 943 800 ლარს შეადგენს, რასაც ახიის განვითარების ბანკი დააფინანსებს და იგი 2020 წლამდე გაგრძელდება.

უკვე წლებია, ქალაქში არ ჩატარებულა გზების კაპიტალური რემონტი თუ სარემონ-

ტო სამუშაოებს არ ჩაეთვლით. ამის მიზეზი საკანალიზაციო პროექტია, რომელიც წელიწადზე მეტია შეჩერებულია. ქალაქში მხოლოდ მოხრეშვა-მოგრეიდერება და ორ-

# პირველი ორთქმაკალი ფოთში დაბრუნდება?!

თემატიკური  
ფოთი

გაზეთი „თავარი თემა სამეგრელოში“ რამდენიმე თვის წინ დაინტერესდა ერთი ისტორიული ობიექტის ბედით. საუბარი, საქართველოში პირველი ორთქმაკალი, რომელიც სტარტი სწორედ ჩვენი ქალაქიდან აიღო. აი ეს ისტორიული ორთქმაკალი წლებია უპატრონოდაა მიტოვებული, გაცვეთილი, ჟანგმიკიდებული მაშინ, როცა სიმბოლო უნდა იყოს ნიკო ნიკოლაძის მიერ გაკეთებული ერთ-ერთი საქმისა, პირველი ნაბიჯისა ამიერკავკასიაში, რომელმაც აღიარება და კეთილდღეობა მოუტანა ჩვენი ქალაქს. მაგრამ ჩვენ როგორ ვიქცევით?! არ ვფურთხილდებით წარსულს, რომელიც საოცრად საამაყოა. მეტიც, სანაგვეზე ვაგდებთ მას, რაც უპატივებელი დანაშაულია.

„ფოთის მუნიციპალიტეტის თვისება ის არის, რომ ყოველი თაობა განაგრძობს სიმბოლოებისაგან გამომდინარე სიმართლეს და საუნჯეს და ზედ თვითონაც ბევრს ამბობს, ართავს, აშენებს. ახიაში და ჩვენთანაც, სადაც ყველას დედა-ბაბა ის არის, რომ „მე ვარ და სხვა არავინ“, ყოველი ახალი თაობა ყოველად უახრო, უზრდელი, უტრადიციო, უცვრად სპობს და ლეწს წინანდელი თაობის ნაშრომს“ – ასე ამბობდა დიდი მოღვაწე ნიკო ნიკოლაძე თავის დროზე. რამდენად წინასწარმეტყველური და ჩვენი დროისთვის შესაფერისი აღმოჩნდა მისი საუკუნის წინ ნათქვამი. ალბათ გრძნობდა, რომ ის, რასაც მთელი ძალისხმევა მოაწოდებდა, წლების შემდეგ დაუბრუნდებოდა, მიუსაფარი და უმისამართო გახდებოდა.

ფოთიდან თბილისამდე 1872 წლის 10 ოქტომბერს დაიძრა პირველი სამგზავრო მატარებელი. სწორედ ეს დღე ითვლება ამიერკავკასიის რკინიგზის დაბადების დღედ. ამის შემდეგ საქართველოში ფართომასშტაბიანი სარკინიგზო მშენებლობა გაიშალა.

პირველად მწკობრში ჩადაგა ფოთის, ჭალადიდის, ახალსენაკის, რიონისა და ყვირილას სადგურები. ფოტოებმა შემოგინახა პირველი ორთქმაკალი, „ფერლის“ ტიპის სამეფო ვაგონები.

ფოთის ტურიზმის განვითარების ხელშეწყობის მიზნით კილასონია როგორც ამბობს: „უკვე რამდენიმე თვეა, გაავაზავენ წერტილი რკინიგზის სამინისტროში და 90 პროცენტით დარწმუნებული ვარ, გამოვა ეს საქმე და შემდეგ ქალაქი გადაწყვეტს, სად დაიდგას. ვთვლი, რომ ეს საკითხი ქალაქმა უნდა გადაწყვიტოს. რკინიგზის მიმდებარე უნდა დაიდგას, როგორც ისტორიული ორთქმაკალი. ქალაქის მერიც საქმის კურსშია და მისი მოადგილე გიორგი ფარეშივილიც, რომლებიც მუშაობენ ამ თემაზე. როგორც ვიცით, პირველი ორთქმაკალი რკინიგზის სამინისტროს ბალანსზეა, უშუალოდ მიწერილია სამტრედიისზე, ფოთს არ ეკუთვნის. რამდენიმე თვის წინ, სრულიად შემთხვევით აღმოვაჩინე აღნიშნული ორთქმაკალი და გამიჩინდა იდეა, ქალაქისთვის დამებრუნებინა ისტორიულად მნიშვნელოვანი კუთვნილება ნიშნად ქალაქის ისტორიისა. ისტორიული ორთქმაკალი შელახულია, არ არის კოლოსალურ თანხებთან დაკავშირებული,

თუმცა რეაბილიტაციისათვის საჭიროა გარკვეული თანხა. ჩვენ ვმუშაობთ, რომ რკინიგზის სამინისტრომ თავად გამოეხსნა საჭირო თანხა. თუ ეს ვერ მოხერხდება, მაშინ ქალაქი გამოეხსნა შესაბამის თანხას, რაც მომავალი წლის ბიუჯეტში იქნება გათვალისწინებული“.

ფოთის მერის მოადგილე გიორგი ფარეშივილიც დაინტერესებულია ისტორიული ორთქმაკალის ბედით. მისი თქმით: „წლის ბოლო გახლავთ. შესაბამისად, რაიმე კონკრეტულ თანხაზე კონკრეტული საუბარი ძალიან რთული იქნება. უნდა შედგეს შესაბამისი ხარჯთაღრიცხვის დოკუმენტაცია. როგორც კი ეს გაკეთდება, გაირკვევა, რა თანხაზეა საუბარი. არსებული შესაბამისობიდან გამომდინარე, ჩვენი მიზანი გახლავთ მაქსიმალურად დროულად მოხდეს ერთი კარგი ადგილის შექმნა ქალაქში“.

ჩვენ რკინიგზის დეპარტამენტთან შევეცადეთ გაგვეჩვენებინა აღნიშნული საკითხი. როგორც დეპარტამენტში განგვიმარტეს ქალაქის ხელმძღვანელობიდან მართლაც მიუმართავენ წერილით დეპარტამენტისთვის, არა ორთქმაკალის გადმოცემაზე არამედ, მის შეკეთებაზე. „რამდენადაც ვიცო, კომუნიკაცია შედგა ფოთის მერის მოადგილესა და რკინიგზის დეპარტამენტის წარმომადგენელს შორის. როგორც წერილიდან ჩანს, მოთხოვნაა, ერთობლივად შევეთქმინოთ და ჩაუტარდეს რეკონსტრუქცია ელმავალს და ერთობლივად შევეთქმინოთ შემთხვევაში უნდა შეთანხმდნენ, რას გააკეთებს ქალაქის მერია და რას რკინიგზა. მერის მოადგილეს გიორგი ფარეშივილს უსაუბრია იმის თაობაზეც, რომ შეჯერდნენ ქალაქის ხელმძღვანელობასთან, ანუ რისი გაკეთების საშუალება ექნებათ ქალაქის ბიუჯეტით. ასე რომ, რკინიგზის დეპარტამენტი ელოდება ფოთის მერიიდან პასუხს. რკინიგზის დეპარტამენტში არ შემოსულია მერიიდან წერილი, რომ საჩუქრად ჰქონოდა ქალაქს პირველი ორთქმაკალი. თუ არის სურვილი, რომ გადაეცეს ქალაქს საჩუქრად, მაშინ ცალკე წერილი უნდა შემოვიდეს, ჩვენი მხრიდან არანაირი პრობლემა არ შეიქმნება“ - განაცხადა რკინიგზის დეპარტამენტის პრეს-ცენტრის წარმომადგენელმა თამარ დეკანოიძემ.

სად უნდა დაიდგას გადმოცემის შემთხვევაში პირველი ორთქმაკალი და რას ფიქრობენ ამაზე ჩვენი თანაქალაქელები, ჩვენ ამ კითხვით მივმართეთ ფოთელებს: ჟანა ჩაფიძე - „ნამდვილად არ მახსოვს, სად იდგა, მივესალმები, თუ ამ ისტორიული მნიშვნელობის მქონე ორთქმაკალის აღდგენა მოხდება და დაიდგება შესაფერის ადგილას, მაგალითად რკინიგზასთან“.

ელიკო გოგოლი - „ფოთი გამოირჩევა იმ უპირატესობებით, რაც წამოწყებას, პირველობას ეხება. ძალიან ბევრი რამ ამ ქალაქით დაიწყო. ამიტომ არ უნდა დაგვარგოთ ისტორია. აღდგეს და დაიდგას სიმბოლო რკინიგზის ტერიტორიაზე“.

სალომე კუპრეიშვილი - „მე ვფიქრობ, რომ უნდა დაიდგას რკინიგზაში, რადგან თემატურად უფრო შეეფერება“.

გიორგი შონია - „გამისარდება, თუ დაიდგება იმ ადგილას, სადაც ადრე იდგა, მე-16-ე სკოლის წინ“.

# შეირახული პროექტების განხორციელება ბრძელდება

დასასრული 3-33.

მული შეკეთება ხდება, თუმცა ესეც არასრულყოფილად, რადგან ქუჩების ნაწილი დღესაც გაუვალაია. ადგილობრივი მთავრობას ამის მიზეზად წველარინების ქსელის რეაბილიტაცია მოჰყავდა. თუმცა, ზოგიერთ ქუჩაზე მიმდინარეობს კეთილმოწყობის სამუშაოები. თითქმის დამთავრების ეტაპზეა ფარნავაზ მეფის ქუჩის კეთილმოწყობა, რომლის ღირებულება 365 239 ლარია. სამუშაოებს აწარმოებს შპს „ემბეკე“.

საინტერესოა, კანალიზაციის პროექტის განხორციელების შემთხვევაში ფარნავაზ მეფის ქუჩაზე ახალდაგებული ფილები რა მდგომარეობაში აღმოჩნდება? მურვანიძის თქმით, კანალიზაციის პროექტის ხელშეკრულებაში ჩაღებულა პუნქტი, რომლის შესაბამისად „კომპანია ქუჩებს სამუშაოს დაწყების პერიოდში არსებულ მდგომარეობაშივე მოიყვანს“.

ასევე მიმდინარეობს დიდუბის მემორიალის სარემონტო სამუშაოები. პროექტით გათ-

ვალისწინებულია მემორიალის სარემონტო სამუშაოები, ღობისა და ტროტუარის რეაბილიტაცია, ტერიტორიის კეთილმოწყობა, გარეგანათების სისტემის რეაბილიტაცია. სამუშაოები ადგილობრივი ბიუჯეტიდან ფინანსდება და 67 523 ლარს შეადგენს. სამუშაოს ადგილობრივი კომპანია „ტოტალი“ ასრულებს.

გრძელდება მალთაყვის სანაპირო ზოლის მშენებლობა, რომელსაც საზოგადოების მხრიდან დღემდე არაერთგვაროვანი გამომხატურება აქვს. ფოთელები ერთხმად თანხმდებიან, რომ პროექტი ხელს შეუწყობს ფოთის განვითარებას, მაგრამ სამუშაოების კეთილსინდისიერად შესრულების ნაკლებად სჯერათ. ხარვეზებს არც მურვანიძე უარყოფს: „ჩვენ არ გვაქვს ზედამხედველობა ამ სამუშაოებზე მაგრამ რამდენადაც ვიცო, იქ არის ბორღიურების, ბოძების, განათების პრობლემა, რომლის გამოსწორებაც ხდება. პროექტს ზედამხედველობას უწევს კომპანია „აუდიტსკორტი“, დღეისათვის მიმდინარეობს მეორე ეტაპის სამუშაოები.“


როგორც იტყვიან, ყინული დაიძრა და იმედია, ამ პროექტებს მალე დასრულებული სახით ვიხილავთ.



# თვეობით გაჭიანურებული „ეს დღეები“


თემატიკური  
ფოთი

ისტორია ეხება ქალს, რომელიც დღეს 21 საუკუნეა და ალბათ რასაც ახლა მოგიყვებით შეიძლება გასაკვირი ნამდვილად არ აღმოჩნდეს, რადგან სოციალური ფონი რომელიც ჩვენს ირგვლივ სუფევს ყველასათვის ნაცნობია. ქალბატონი, რომელსაც უნდა მოეთხოროთ, წარმოშობით ჩხორიდან გახლავთ და ფოთში გათხოვების შემდეგ აღმოჩნდა. იგი 20 წლის განმავლობაში საკუთარ ქალაქში დაეძებს საცხოვრებელ სახლს, სადაც თავს დაცულად იგრძნობს. როგორც დავარი თოლორდავა გვიყვება, მეუღლის ოჯახში ძალიან ბევრი ცხოვრობდნენ. ამდენად, ოჯახი დატოვეს და ქირით გადავიდნენ საცხოვრებლად. ამის შემდეგ იწვება მის ცხოვრებაში უსასრულო ხეტიანი ბინიდან - ბინაში. მას ერთადერთი შვილი ყავს რომელიც უსიტყვოდ იზიარებს ოჯახის მდგომარეობას. მეუღლე ერთი წლის წინ გარდაეცვალა და ასე დარჩა დედა-შვილი გაუსაძლის პირობებში. ქალბატონი დავარი სოციალურად დაუცველი გახლავთ და მოგესვენებათ, დახმარების იმედად ცხოვრება მარტივი ნამდვილად



არ არის, თანაც არც ჯანმრთელობის მდგომარეობა აქვს სახარბიელო. როგორც თავად ამბობს, სასწრაფოდ საოპერაციო გახლავთ, მანამ კი აუცილებლად უნდა მიიღოს ექიმის მიერ დანიშნული მედიკამენტები, რაც მისთვის ძვირია და რომლის შესაძენად თანხა არ აქვს: „ 54 ლარი მჭირდება წამლების საყიდლად. ვიყავი აფთიაქში და დავაანგარიშებინე, ძალიან ცუდ

დასასრული 5-33.



# მუნიციპალიტეტების დაფინანსების ახალი სისტემა კალაში შევიდა

## თავაზი გაჟამა ფოთი

ფინანსთა სამინისტროს ინიციატივით, 2019 წლიდან ადგილობრივი თვითმმართველობები გათანაბრებით ტრანსფერს აღარ მიიღებენ, საშემოსავლო გადასახადის ის მცირე ნაწილიც კი, რაც 2017 წლიდან ადგილობრივ ბიუჯეტებში რჩებოდა, 2019 წლიდან სრულად სახელმწიფო ბიუჯეტში გადაინაცვლებს, მუნიციპალიტეტებზე კი დღგ-ს სახით მიღებული შემოსავლების 19% გადაინაწილდება. ქვეყნის საკანონმდებლო ორგანოს მიერ მხარდაჭერის შემთხვევაში, მუნიციპალიტეტები დაფინანსების ამ წესზე 2019 წლიდან გადავლენ.

ყოველივე ამას წინ ერთვოდა საუბარი დეცენტრალიზებულ მმართველობაზე, თუმცა საუბარი საუბრად დარჩა. ეს ორი ცვლილება ერთმანეთთან დაკავშირებული გახლავთ, რადგან ადგილობრივ თვითმმართველობებს აქვთ კანონით მინიჭებული დამოუკიდებლობა, თუმცა დამოუკიდებლობაზე საუბარი ჯერ ნაადრევია. დეცენტრალიზებული მმართველობის შემოღებამდე შეიცვალა თვითმმართველობების დაფინანსების მიმართულება. კერძოდ, ადგილობრივ თვითმმართველობებს გათანაბრებით ტრანსფერი არ მიეცემა. რას ნიშნავს გათანაბრებით ტრანსფერი – ეს თვითმმართველი ერთეულის ერთ-ერთი მნიშვნელოვანი საკუთარი საბიუჯეტო შემოსულობაა. მისი მიზანია სხვადასხვა ადგილობრივი თვითმმართველობების საკუთარ უფლებამოსილებათა განხორციელებისათვის ფინანსური რესურსების გათანაბრება. „საქართველოს საბიუჯეტო კოდექსის“ თანახმად, გათანაბრებით ტრანსფერი არის საკუთარ უფლებამოსილებათა განხორციელების უზრუნველყოფის მიზნით ადგილობრივი თვითმმართველი ერთეულის ბიუჯეტის სახელმწიფო ბიუჯეტიდან კოდექსით დადგენილი ფორმულის შესაბამისად გამოყოფილი თანხები, რომელთა გამოყენების მიმართულებებს დამოუკიდებლად განსაზღვრავს ადგილობრივი თვითმმართველობის წარმომადგენლობითი ორგანო.

გაზეთი „მთავარი თემა სამეგრელოში“ დაინტერესდა, რა გავლენას იქონებს ქალაქის ბიუჯეტზე ეს საშემოსავლო ცვლილება. მერიის საფინანსო, საბიუჯეტო სამსახურის უფროსმა ნანა ჭანტურია ჩვენთან საუბრისას კანონის მიღების შემდეგ ქალაქში მოსალოდნელი ტენდენციები გააკეთა აქცენტი: „მოგესხენებათ, მთავრობამ მიიღო გადაწყვეტილება, საბიუჯეტო კოდექსში დაგეგმილი ცვლილებების თანახმად, 2019 წლიდან გათანაბრებით ტრანსფერის და საშემოსავლო

გადასახადის ნაცვლად, მუნიციპალიტეტების საკუთარ შემოსავლად განისაზღვრა განაწილებული დამატებითი ღირებულების გადასახადი, რომლის განაწილება მოხდა „საქართველოს საბიუჯეტო კოდექსში“ ცვლილების შეტანის შესახებ საქართველოს კანონის პროექტი განსაზღვრული 71-ე და 114-ე მუხლების შესაბამისად. 2019 წელს პროგნოზირებადი დამატებითი ღირებულების გადასახადის 19% შეადგენს 946 580,0 ათას ლარს, საიდანაც ფოთის მუნიციპალიტეტის ბიუჯეტში 2019 წელს მიემართება გასანაწილებელი დამატებითი ღირებულებები გადასახადის 0,36%, რაც ნომინალურ გამოხატულებაში საორიენტაციოდ შეადგენს 3 368,5 ათას ლარს, რომელიც დაკორექტირდება დღგ-ს საკასო შემოსავლის მიხედვით. ამასთან, საქართველოს ნაერთი ბიუჯეტის საშუალოდოვანი პროგნოზებისა და საბიუჯეტო კოდექსის პროექტით განსაზღვრული რეგულაციების გათვალისწინებით, ფოთის მუნიციპალიტეტისათვის 2020-2022 წლებში მისაღები დამატებითი ღირებულების გადასახადის საპროგნოზო მაჩვენებელი შეადგენს 2020 წელს - 4 248,1 ათას ლარს, 2021 წელს - 5 310,2 ათას ლარს, ხოლო 2022 წელს - 6 637,7 ათას ლარს. რაც შეეხება დინამიკას, 2018 წელს გათანაბრებით ტრანსფერის სახით ქალაქმა მიიღო 118 ათას 800 ლარი, საშემოსავლო გადასახადი დაგეგმილი იყო მილიონ 600 ათასი ლარით და სრულდება, ხოლო, ახალი რეგულაციით უნდა მივიღოთ 3 მილიონ 398 500 ლარი. ეს არის შემოსავლი დამატებითი ღირებულების გადასახადიდან, რაც წინა წლებთან შედარებით გაზრდილი არის 679 700 ლარით“.

უფრო თვალსაჩინოებისთვის განვმარტოთ, ვინ არის დღგ-ს გადასახადი – პირი, რომელიც რეგისტრირებულია ან ვალდებულია გატარდეს რეგისტრაციაში დღგ-ის გადასახდელად. ასევე, დამატებითი ღირებულების გადასახადის გადასახდელად ითვლება არარეზიდენტი (გარდა საქართველოს მოქალაქე ფიზიკური პირისა), რომელიც ეწევა მომსახურებას საქართველოში დღგ-ს გადასახდელად რეგისტრაციისა და საქართველოში საგადასახადო ადრიტხვაზე მყოფი არარეზიდენტის.

საქართველოს ფინანსთა სამინისტროს გადაწყვეტილების შესახებ და რამდენად მომგებიანი კანონპროექტია ქალაქებისთვის, მოსახრება ახალგაზრდა ეკონომისტსა და დამწყებ ბიზნეს-მენს გიორგი გვახალაიას ვთხოვეთ: „მე პირადად, დეცენტრალიზებული მმართველობის მომხრე ვარ. თუ რატომ, მარტივი მაგალითის მეშვეობით ავიხსნით და შედარებით ავსახოთ მოცემულობა. თქვით, მე ვარ დაქირავებული მუშახელის და ხელფასს კომპანია თანამშრომლებს გვიხდის პრინციპით - რამდენსაც ვეჭვავ გამოვიმუშავეთ, იმას ყოფს დასაქმებულთა რაოდენობაზე. ამ დროს მე, შესაძლებელია, სხვებთან შედარებით 8 - ჯერ მეტი გამოვიმუშაო და მაინც იმდენი მერგო, რამდენიც სხვებს. ეს მიდგომა ნამდვილად დამაკარგვინებს ხალხსა და მოტივაციას, შემდეგ თვეში აუცილებლად ნაკლებს ვიმუშავე. ერთი ერთში შეგიძლიათ ეს შედარება გამოვიყენოთ პასუხის გასაცემად. თუმცა, თუ ამ ცვლილებას რაიმე სხვა შედეგს და პირობებს არ მიაყოლებენ, შესაძლოა, ამ ყველაფერმა გამოიწვიოს მდიდარი რეგიონების უფრო გამდიდრება და ღარიბების უფრო გაღარიბება. რეალურად, ცვლილება მისასაღებელია, თუმცა სხვა ქმედებებიც საჭიროა, რაც ხელს შეუწყობს ამ ცვლილებების უკეთ ათვისებას“.

ოპოზიციონერ დავით ხომერიკს სულ სხვა მოსაზრება აქვს ამ გადაწყვეტილებასთან დაკავშირებით. მისი აზრით, ეს გახლავთ ერთი ჯიბიდან ამოღება და მეორეში ჩადება: „კონსტიტუციის მესამე მუხლში წერია, რომ სახელმწიფომ უნდა უზრუნველყოს რეგიონის თანაბარი სოციალურ-ეკონომიკური განვითარება, ეს მუხლი ადვილად კონსტიტუციიდან და წერია ადგილობრივი ბიუჯეტის შესახებ კანონში. ამ მუხლზე დაყრდნობით კეთდება გათანაბრებით ტრანსფერი, ეს ნიშნავს, რომ ფოთში მესტიაში, ხარაგაულში, სიღნაღში ერთნაირი პირობებით უნდა იცხოვროს ადამიანი. ეს მოხსნეს და დატოვეს მხოლოდ დღგ ქალაქში, რომელიც გადაინაწილდეს და მთლიან 19%-დან ფოთის მხოლოდ 0,36% დარჩა. რომელი უფრო მომგებიანია? ფიზიკური პირის საშემოსავლო 3 მილიონ ნახევარი იყო მართვთა გათანაბრებით



ლებს გვიხდის პრინციპით - რამდენსაც ვეჭვავ გამოვიმუშავეთ, იმას ყოფს დასაქმებულთა რაოდენობაზე. ამ დროს მე, შესაძლებელია, სხვებთან შედარებით 8 - ჯერ მეტი გამოვიმუშაო და მაინც იმდენი მერგო, რამდენიც სხვებს. ეს მიდგომა ნამდვილად დამაკარგვინებს ხალხსა და მოტივაციას, შემდეგ თვეში აუცილებლად ნაკლებს ვიმუშავე. ერთი ერთში შეგიძლიათ ეს შედარება გამოვიყენოთ პასუხის გასაცემად. თუმცა, თუ ამ ცვლილებას რაიმე სხვა შედეგს და პირობებს არ მიაყოლებენ, შესაძლოა, ამ ყველაფერმა გამოიწვიოს მდიდარი რეგიონების უფრო გამდიდრება და ღარიბების უფრო გაღარიბება. რეალურად, ცვლილება მისასაღებელია, თუმცა სხვა ქმედებებიც საჭიროა, რაც ხელს შეუწყობს ამ ცვლილებების უკეთ ათვისებას“.

ოპოზიციონერ დავით ხომერიკს სულ სხვა მოსაზრება აქვს ამ გადაწყვეტილებასთან დაკავშირებით. მისი აზრით, ეს გახლავთ ერთი ჯიბიდან ამოღება და მეორეში ჩადება: „კონსტიტუციის მესამე მუხლში წერია, რომ სახელმწიფომ უნდა უზრუნველყოს რეგიონის თანაბარი სოციალურ-ეკონომიკური განვითარება, ეს მუხლი ადვილად კონსტიტუციიდან და წერია ადგილობრივი ბიუჯეტის შესახებ კანონში. ამ მუხლზე დაყრდნობით კეთდება გათანაბრებით ტრანსფერი, ეს ნიშნავს, რომ ფოთში მესტიაში, ხარაგაულში, სიღნაღში ერთნაირი პირობებით უნდა იცხოვროს ადამიანი. ეს მოხსნეს და დატოვეს მხოლოდ დღგ ქალაქში, რომელიც გადაინაწილდეს და მთლიან 19%-დან ფოთის მხოლოდ 0,36% დარჩა. რომელი უფრო მომგებიანია? ფიზიკური პირის საშემოსავლო 3 მილიონ ნახევარი იყო მართვთა გათანაბრებით

ტრანსფერის გარეშე. გათანაბრებით ტრანსფერის ფორმულა არსებობს და ამ ფორმულით იღებენ თანხას. ბოლოს იყო მილიონ 600 ათასი ლარი, როგორც ვიცო, მაგრამ 2017 წელს ფიზიკური პირებიდან საშემოსავლო გადასახადი ადგილობრივ ბიუჯეტში შემოვიდა სამ მილიონ ნახევარი ლარი, 2017 წელს მილიონ ნახევარი ლარი და მილიონ ოთხასი ლარი, მოხდა კლება. იცით რატომ? ადგილობრივ თვითმმართველობას არ ქვს ადმინისტრირების, ამოღების ბერკეტები. ვერ აკონტროლებს შემოსავლებს, რადგან ვიდაც „თბილისელი ბიძა“ თბილისიდან განაგებს. ასევე იქნება დღგ-სთან დაკავშირებითაც, მითუმეტეს, რომ აზრი არ აქვს დღგ-ს დატოვებას ფოთში, რადგან ამ ქალაქში, ძირითადად, არის საერთაშორისო გადასახადის კომპანიები, რომლებიც არ იხდიან დამატებითი ღირებულების გადასახადს, არ იბეგრებიან. უბრალოდ, ადგენენ და გადაინაწილებს ეს პროცენტი, საიდანაც ფოთს 0,36 შეხვდა, ერთი და იგივე ციფრი დასვეს, რაც იყო საშემოსავლო და გათანაბრებით ტრანსფერის დროს, ეს იყო წინასწარწვენი ფანდი ხელისუფლების მხრიდან“.

2019 წლის სახელმწიფო ბიუჯეტით უკვე განსაზღვრული გახლავთ, რომელი მუნიციპალიტეტი რა ოდენობის თანხას მიიღებს. კრიტერიუმები ცნობილია. კერძოდ, მუნიციპალიტეტებისთვის განკუთვნილი თანხის განაწილება მოხდება მოსახლეობის რაოდენობის მიხედვით.

როგორც საუბრიდან ირკვევა, ეს ინიციატივა ფოთის ბიუჯეტისთვის ძირეულ ცვლილებებს არ ახდენს. უფრო სასურველი იყო მთავრობას საშემოსავლო გადასახადი დატოვებინა ქალაქის ბიუჯეტისთვის, ფოთელებს კარგად ახსოვს როცა წლების წინ საშემოსავლო გადასახადი რჩებოდა ადგილობრივ ბიუჯეტში, რამდენად რენტაბელური იყო ის.

## თვეობით გაჭიანურებული „ეს დღეები“

### დასაწყისი 4- მს.

დღეში ვარ. ვის მივმართო დახმარებისთვის, აღარ ვიცი“.

სახლი, სადაც დღეს ის და მისი შვილი ცხოვრობენ, პირობითად შეიძლება მას სახლი უწოდო, კონტაქტს №7 ნომერში, კორპუსის პირველ სართულზე მდებარეობს, არ გახლავთ საცხოვრებელი ფართი და არც არანაირი პირობაა შექმნილი, რომ ადამიანი ნორმალურად იცხოვროს და თავი იგრძნოს დაცულად. ეს ოთახი ქალაქმა ხუთი წლის წინ გადასცა და როგორც თავად ირწმუნება, დახმარებას დაპირდნენ, მაგრამ არავის გახსენებია ამ დაპირების შესრულება.

მეზობლებიც მის გაუსაძლის მდგომარეობაზე გვესაუბრნენ: „აღლიან მეცოდება ეს ოჯახი, როგორ შეიძლება ასე ცხოვრობდეს ადამიანი, კარც კი არ იკეტება ნორმალურად, იატაკი არა, არც ჭერი, არც ნორმალური საყოფაცხოვრებო ნივთები,

უკაცრავად და საპირფარეოც კი არ ჰქონდათ, ახლა გააკეთეს რაღაც გარეთ“.

თოლორდავას მდგომარეობა კიდევ უფრო დამძიმდა ქალაქში ზაფხულის ბოლოს წვიმების შემდეგ. როგორც თავად გვიხსნის დამის სამის ნახევარზე ძლიერი წვიმის შედეგად ჭერი ჩამოეგრა. მიუხედავად იმისა, რომ პირველ სართულზე ცხოვრობს, ეს შედეგი მას მაინც დაუდგა. ჩვენ ადგილზე გავეცანით მის მდგომარეობას და ნანახმა ნამდვილად შეგვკრა. თვალში მოგვხვდა ე.წ. ასფალტის ნატეხები, რომელიც უსწორმასწოროდ ეყარა იატაკზე: „ეს ნატეხები ქალაქმა მომცა რომ ამგვარდებიან იატაკი, კიდევ დამპირდნენ დახმარებას, მაგრამ ჯერჯერობით არაფერი ჩანს. დიდი ხანია ყველამ იცის ჩემი მდგომარეობა. მუნიციპალიტეტიც საქმის კურსშია, ჩვენ ცენტრის უბანს ვეკუთვით. დამპირდნენ 300 ლარის ჩარიცხვას, მაგრამ მატყუებენ. მცირე თანხას მპირდებიან და ამასაც ვერ, არ მირიცხავენ. რა გაუჭირდა მერიას

ასეთი? ერთ თვეზე მეტია, ჩამოვარდა ჭერი. კიდევ კარგი ჩემი შვილი სახლში არ იყო, თორემ საშინელება დამემართებოდა. შეიძლება ასეთი გულგრილობა ადამიანების მიმართ? ზამთრის მოსვლის შემთხვევაში, აქ როგორ უნდა გაკეთებო, ყველა მხრიდან ქარი შემოდის“-გვითხრა თოლორდავამ.

წლებია, შიშა და უიმედობაში უწევს ცხოვრება მარტოხელა დედას, რომელიც მხოლოდ იმიტომ ცოცხლობს და წვალბს, რომ ერთადერთი შვილის კარგად ყოფნას უყურებს და მაინც არ კარგავს იმედს, რომ ერთ დღეს შვილის თვალებში სიხარულს დაინახავს.

ჩვენ შევეცადეთ მერიამ გაგვეჩვენა დაპირებული დახმარება რატომ გვიანდებოდა, სადაც ქალაქის ხელმძღვანელობამ თანხის ჩარიცხვასთან დაკავშირებით მოკლე პასუხი გაგვცა - „ამ დღეებში“. ეს დღეები კი მოგესხენებათ, რასწრაფად და დაუნდობლად მიქრია. ზამთარიც ახლოვდება და თო-



ლორდავას მდგომარეობა კი დღითიდღე მძიმდება.

p.s სტატია დასაბუთდად გამზადებული გახლავთ, როდესაც გავარკვეეთ, რომ ადგილობრივმა ხელისუფლებამ თოლორდავების ოჯახს უკვე ჩაურიცხა დაპირებული დახმარება 300 ლარის ოდენობით.

# სიყვარულით განვლილი ნახევარი საუკუნე

**თაკლა მაჭავაძე**  
ფოტო

ქართული ფოლკლორის ამგდარმა, ღირსების ორდენოსანმა ბატონმა იროდი ტიკარაძემ სულ ახლახან ოქტოს ქორწილი გადაიხადა. მან თავის უმშენიერეს და უსაყვარლეს მეუღლესთან ერთად სიყვარულით და ურთიერთპატივისცემით განვლილი ნახევარი საუკუნე საყვარელ ადამიანებთან ერთად აღნიშნა. ამდენხნის თანაცხოვრების შემდეგაც, როგორც ამბობს, დღესაც ისევე ისე უცემს გული თვალში მარჯვენა და მარცხენა დასახელების, როგორც შეყვარებულების პერიოდში, დღესაც ისევე ისე ხელი-ხელხაიდებულები ეხიდებიან ცხოვრების



ჭაპანს და ისევე ისე უმდერეან ერთმანეთს, როგორც სტუდენტობისას. სასიამოვნოა, როცა ხედავ ადამიანებს, რომლებსაც 50 წლიანმა თანაცხოვრებამ ვერ გაუხუნა სიყვარული, პირიქით, უფრო გაიზარდა და განაზდა.

ქორწილში სიძე-პატარძალმა წითელ ხალიჩაზე გაიარა ფიერებების, ჩოხოსანი ვაჟკაცების ხანჯლების და „ვისია, ვისია, ქალი ლამაზი“ სიმღერის ფონზე, რომელიც ანსამბლმა „ფაზისმა“, ჩვეულებისამებრ, უბადლოდ შეასრულა. წვეილს მეჯვარეების შემდეგ მოჰყვებოდნენ შვილები, შეილიშვილები, სიძეები და ოჯახის ახლობელ-ნათესაეები.

დარბაზში შესულთ მორიგი სიურპრიზი ელოდათ. კედელზე გამოკრულ ბანერზე წვეილის განვლილი ცხოვრების ყველაზე შთამბეჭდავი ფოტოები იყო აღბეჭდილი, რომელიც ბედნიერ წლებს მოაგონებდათ. სპეციალურად ამ დღისათვის გაშლილ სადღესასწაულო სუფრაზე საიუბილეო რქაწითელსაც მათი სურათი ამშვენებდა.

უჩვეულოდ წარიმართა სუფრაც, სრულდებოდა სუფრული სიმღერები, ტიკარაძეების მომღერალმა ოჯახმა და პატარძალმა არანეულებრივად შეასრულეს სიმღერა სანტრფიალო. შეილიშვილებთან ექსპრომტად შესრულებულმა სიმღერებმა კი ყველანაირ მოლოდინს გადააჭარბა. ქართული ცეკვები შეასრულეს ქნმა მაიკომ მოცეკვავე ქალიშვილ ნიასთან ერთად. ანსამბლი „ფაზისი“ ყოველ სადღეგრძელოს ჩვეული მრავალხანობით ამშვენებდა. ყველა ზეიმობდა და იზიარებდა ამ ერთობ თბილი ოჯახის სიხარულსა და ბედნიერებას.

განსხვავებული იყო სანუქრებიც. ფოთისა და ხობის ეპარქიის მიტროპოლიტმა მეუფე გრიგოლმა ბნ იროდის და ქნ მაყვალას ამ

სამახსოვრო დღის აღსანიშნავად ღვთისმშობლის ხატი გამოუგზავნა. ფოთის მერის მოადგილემ გიორგი ფარეშიშვილმა ბნ იროდის გადასცა ნიკო ნიკოლაძის მედალიონის ასლი, რომელიც ნიკოს 175 წლის იუბილის აღსანიშნავად მოიჭრა. გარდა სიძის მიერ მირთმეული ბეჭდისა, შვილებმა ირმამ და მაიკომ მშობლებს ქორწინების სამახსოვროდ გულზე ჩამოკიდეს მედლები წარწერით „საუკეთესო მეუღლეს - 50“.

სუფრას არც უღამაზესი ტორტის გარეშე ჩაუვლია. ტრადიციულად წვეილმა ერთად გაჭრა ტორტი და ერთმანეთს პირი ჩაუტკბარუნა. ოჯახივე და ოქროსფერი კონფეტის ფონზე სიძე-პატარძალმა ნელი ვალსიც შეასრულა.

ჩვენ დიდი პატივისცემითა და სიყვარულით ვუერთდებით მოლოცვებს. მრავალჯამიერ ბნო იროდი და ქნო მაყვალა! ოქროს ქორწინებას გილოცავთ! ღვთის წყალობას, ჯანმრთელობას და ბედნიერ სიბერეს გისურვებთ!



ბლიზ ინტერვიუ

## ია როგავა: „მოდი ახლა ამ ყველაფერს პოზიტიურად შეხედოთ..“

**ინტერვიუ**  
ფოტო

მინი დოსიე



დავიბადე და გავიზარდე ფოთში, პროფესიით ვარ ფსიქოლოგი, ნეიროლინგვისტური პროგრამირების სპეციალისტი, ჯანდაცვის მენეჯერი და ფოტოხელოვანი, ბედნიერი ვარ იმით, რომ გახლავართ ფაზისის საერთო სამეცნიერო აკადემიის ნამდვილი წევრი და ამჟამად ვმუშაობ არტ გალერეა 34-ში, რომელიც თავად დავაფუძნე.

- დაახასიათეთ საკუთარი თავი სამი სიტყვით...
- მეოცნებე, ხელოვნების მოყვარული და უზომოდ პატიოტი
- საიდან იწყება თქვენთვის დედამიწა
- სიცოცხლით
- შენი თვალთ დანახული ქალაქი
- უდიდესი ისტორიის მქონე, თბილი ხალხით სავსე და ყველაზე ლამაზი ჩემი პატარა ქალაქი
- მიზანი .
- მეტი სიხარული მივანიჭო ირგვლივ მყოფ ადამიანებს
- მიღწევა
- ჩემს ყველაზე დიდ მიღწევად ვთვლი სამეცნიერო კვლევას ჩვენი ერის და კულტურის სიძველის შესახებ, რომელზეც რამდენიმე წელი ვმუშაობდი, უკვე დავასრულე და მალე გამოვეცემ წიგნად.
- ჰობი
- შავ-თეთრი ფოტოგრაფია
- ოცნება
- შევქმნა რაღაც ახალი
- ღირსება და ნაკლი
- ღირსება - სიკეთე
- ნაკლი - ვარდისფერი სათვალეებიდან ყურება...
- ქველმოქმედება და თქვენ?
- ძალიან მიყვარს ქველმოქმედება, ჩემი ყოველდღიური ცხოვრების ნაწილია
- ტყუილი და თქვენ
- საშინლად მადიზიანებს ტყუილი, მხოლოდ კეთილი მიზნით მიწვევს მისი გამოყენება, რომ კონკრეტულ შემთხვევებში ადამიანებს გული არ ეტკინოს.
- რისი გეშინიათ
- სიბერის
- რამ შეიძლება ავაყვიროთ
- იმის დანახვამ, რომ ვიღაცას ჩაგრავენ
- აკვიტებული ფრაზა
- „მოდი, ახლა ამ ყველაფერს პოზიტიურად შეხედოთ“
- რამდენად აზარტული ხართ
- საერთოდ არ ვარ აზარტული
- საყვარელი სასმელი
- ამერიკანო და წითელი ღვინო, კონკრეტულად ქინძმარაული
- კერძი, რომელსაც საყვარელ მამაკაცს მოუმზადებთ
- კრევეტების და რვაფეხების სალაით
- წიგნი, რომელიც ბოლოს წაიკითხეთ.
- მეგრული პოეზიის ანთოლოგია
- როგორი მეგობარი ხართ
- დაუღალავი და მუდამ გვერდში მდგომი
- ღალატი
- დაუფასებლობა და უპატივცემლობა
- სიყვარული
- მთელი სამყარო, სიცოცხლის აზრი, ღმერთი, ბუნება, ჩემი პლანეტა, ფრენა
- რას შეცვლიდით ცხოვრებაში
- არაფერს
- ოჯახი
- საოცარი ოჯახი მყავს. ყველაფერში რომ მიგებენ და მუდამ გვერდში მდგანან. ჩვენ ერთი გუნდი ვართ, ჩვენთვის გამოუვადი მდგომარეობა არ არსებობს. იმიტომ, რომ ერთმანეთი ძალიან გვიყვარს და ვაფასებთ
- თქვენ 20 წლის შემდეგ
- 20 წლის შემდეგ ისევე ჩემს ქალაქში წარმომიდგენია თავი და ისევე ხელოვნებასა და მეცნიერებაში ჩაფლული.. სხვა ცხოვრება არ მინდა და არც სხვაგან ყოფნა
- რას ნანობთ
- საკმარისი ყურადღება და სიბოლო ვერ დავუთმე იმ საყვარელ ადამიანებს, რომლებიც ჩემთან აღარ არიან, სამწუხაროდ... როცა ადამიანები აღარ არიან ჩვენს გვერდით, არასდროს გვეოფნის და არასდროსაა საკმარისი ჩვენს მიერ გაცემული სიყვარული, მეტი შეგვეძლო... სამწუხაროდ, გვიან ვხვდებით... ამიტომ, მეტი სიბოლო მივცეთ მოხუცებს...
- მხატვარი რომ იყოთ, რას დახატავდით?
- ფიქრებს
- კითხვა, რომელსაც საკუთარ თავს დაუსვამთ
- „ია, კიდევ რას მოიფიქრებ ახალს?“
- გრძნობა, რომელიც ამ წამს გაქვთ
- შემართება და იმედი -



ლეონტი მროველი: ურიანი ურისხვნი ნათესავნი (!!!) ქართლსა შინა.

ყოფილვართ იქ საათის და სხვადასხვა წერილმანის შესაკეთებლად მე და დედა... იქნებ იმ დეიდას და მის ოჯახს გულისხმობდა, ყოველ დღით უგემრეულეს ღვეზელებს რომ დაატარებს, უცნაური ყუთით და კისრისტეხით გაერბივართ ბავშვები, ერთ ცალს მაინც რომ მივეწეროთ?!

უნარით, საოცარი ერუდიციითა და მეხსიერებით გამორჩეული, მტკიცე ხასიათის კაცი, რომელსაც ძალიან უყვარდა საქართველო. -ვისთან ვმზადება შენი ბიჭი, მათემატიკაში? -ბორიასთან. -აბა, ჩაუბარებია გამოცდები „უმადლესში“.

ქალის და კაცის მეგობრობა არ გამოდისო - „არ არსებობს წესები, გამონაკლისების გარეშე!“ მე მარცხვინი ვარ და -მის მუდამ მშვიდი, ყველას მიმართ კეთილგანწყობილი და თბილი დამოკიდებულება, განუზომელი სიკეთე და უშუალობა გვერდში ამოდგომის გასაოცარი უნარი... მერე გავიცანი მათი მშობლები და ბებია და მივხვდი, დავითაშვილების ასეთ თბილ ოჯახში გაზრდილებს, არ შეეძლოთ სხვანაირი ყოფილიყვნენ!

იხა ჭითანავა

ბაზეთის ხელმოწერა საქურადლეპოლ! ერთი ნომრის ღირებულება ორგანიზაციებისთვის 1 წლით - 50 ლარი 6 თვით - 25 ლარი 3 თვით - 12,50 ლარი კარდაკარის პრინციპით გაბეთის გამოწერა მოქალაქეებისთვის 3 თვით - 6 ლარი

ნსარგავლეთ ბაზეთი "მთავარი თემა სამედიკალური" უფასოთიანი მომსახურებით, განათავსეთ ბაზეთში განსხვავებული, რაქლაშაბი, მილოსხვაბი. ოჯახის სამედიკალური განსხვავებული, მილოსხვა- ჩაუღებრივი შრიფტით - ერთი ასო 5 თითრი, სქელი შრიფტით - 7 თითრი, პირველ გვერდზე - ორგანიზაციის, სურათიანი განსხვავებული: სამედიკალური - 15 ლარი, მილოსხვა - 10 ლარი, არაპოლიტიკური რაქლაშა: მესამე გვერდზე - მთლიანი გვ. (100სხა2)-150 ლარი, ნახევარი (500 სხა2) - 75 ლარი; მეოთხედი (250სხა2)- 37.50 ლარი; მეხუთე გვერდზე: მთლიანი გვ. -130 ლარი; ნახევარი - 65 ლარი; მეოთხედი 32.50 ლარი. პირველ გვერდზე რაქლაშა ხუთჯერ კვირია, ვიღრა მესამე გვერდზე, ბოლოზე - სამჯერ კვირია ვიღრა მესამე გვერდზე. პოლიტიკური რაქლაშის ღირებულება ორგანიზაციის მრავალჯერად რაქლაშაზე და ხელმოწერაზე გათვალისწინებულია ფასდაკლება. ბაზეთის გამომცემის მსურველებმა მიმართეთ სამედიკალურ რეკლამის გამომცემის ოფისს. ქ. ფოთი, ნ. ნინოს ქ.3/ 2 ტელ: 0(493) 22-40-50; 5(99) 34 14 17.

თეატრალური თქვენი პრობლემების კვალდაკვალ

ნიმნით აღნიშნული სტატიები იბეჭდება რეკლამის უფლებით.